



SLUŽBENI GLASNIK OPĆINE BUŽIM

Godina XVIII – Broj 2	18.03.2013 B U Ž I M	Izdanje na bosanskom jeziku
------------------------------	---------------------------------------	--

38.

Na osnovu člana 24. stav 1. tačka 28. Statuta općine Bužim („Službeni glasnik općine Bužim“, broj: 11/07, 4/08 i 5/11), člana 43. i 44. Poslovnika Općinskog vijeća općine Bužim („Službeni glasnik općine Bužim“, broj: 7/08), Općinsko vijeće općine Bužim, na redovnoj III sjednici, održanoj 02.03 2013. godine, **usvojilo je:**

**PROGRAM RADA
Općinskog vijeća općine Bužim za 2013
godinu**

I UVODNE ODREDBE

U skladu sa odredbama Poslovnika Općinskog vijeća općine Bužim, Općinsko vijeće donosi Program rada za tekuću godinu o pitanjima iz djelokruga rada i nadležnosti Općinskog vijeća, koja će biti razmatrana na sjednicama Općinskog vijeća.

Program rada sadrži zadatke Općinskog vijeća koji proizlaze iz Ustava, Zakona, Statuta općine Bužim i

drugih propisa, utvrđene politike razvoja općine, te druga pitanja od interesa za građane općine Bužim.

U Programu rada su od posebnog značaja:

- praćenje i razmatranje pitanja iz oblasti lokalne samouprave,
- potrebe stanovništva u oblastima: odgoja i obrazovanja, zapošljavanja, socijalno-stambene zaštite, fizičke kulture i sporta, ekološka zaštita,
- upravljanje općinskom imovinom, vođenje urbanističko-stambene politike,
- praćenje i poduzimanje mjera u provođenju komunalne politike i uslužnih djelatnosti, te lokalne infrastrukture,
- osiguravanje uslova za rad javnih preduzeća i ustanova kojima je osnivač općine,
- obavlja i druge poslove u skladu sa zakonom.

Program rada Općinskog vijeća općine Bužim za 2013.godinu sadrži naziv akta, obrađivača, predlagača sa rokom izvršenja i to kako je naprijed utvrđeno za period januar-decembar 2013.godine. Planirano je da Općinsko vijeće završi razmatranje svih izvještaja i

programskih dokumenata, kako općinske uprave, tako i javnih ustanova i javnih poduzeća čiji je osnivač.

Program rada Općinskog vijeća je podjeljen u dvije cjeline:

- Tematski dio, i
- Normativni dio.

II TEMATSKI DIO

1. Izvještaj o ostvarenju budžeta općine za 2013. godinu

Rok: Kvartalno.

Predlagač: Općinski načelnik.

Obrađivač: Služba za budžet i finansije.

2. Izvještaj o rješavanju upravnih predmeta svih službi Općinskog organa uprave za 2012. godinu, u skladu sa članom 294. ZUP-a

Rok: februar-mart.

Predlagač: Općinski načelnik.

Obrađivač: Služba za opću upravu i društvene djelatnosti.

3. Program rada Jedinственog Općinskog organa uprave za 2013. godinu

Rok: februar-mart

Predlagač: Općinski načelnik.

Obrađivač: Služba za opću upravu i društvene djelatnosti.

4. Izvještaj o radu Općinskog načelnika

Rok: mart.

Predlagač: Općinski načelnik.

Obrađivač: Općinski načelnik sa službama Općinskog organa uprave.

5. Informacija o stanju započelih, nedovršenih i dovršenih investicija, te pripremljenim projektima

Rok: maj-juni.

Predlagač: Općinski načelnik.

Obrađivač: Službe općinskog organa uprave.

6. Informacija o korištenju i naplati javnih površina

Rok: februar-mart.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

7. Izvještaj o stanju u JP „Veterinarska stanica“ d.o.o. Bužim za 2012. godinu

Rok: april-maj.

Predlagač: Općinsko pravobranilaštvo.

Obrađivač: Skupština i Uprava JP „Veterinarska stanica“ d.o.o. Bužim.

8. Izvještaj o radu sa završnim računom JKP „KOMB“ d.o.o. Bužim za 2012. godinu i Planom

poslovanja za 2013. godinu, u skladu sa članom 22. i 23. Zakona o javnim preduzećima

Rok: april-maj.

Predlagač: Općinski načelnik.

Obrađivač: Skupština i Uprava JKP „KOMB“ d.o.o. Bužim.

9. Informacija o realizaciji propisa Općinskog vijeća o prestanku rada JP „IKC“ Bužim

Rok: mart- april.

Predlagač: Općinsko pravobranilaštvo.

Obrađivač: Službe općinskog organa uprave i Likvidator JK „IKC“ Bužim.

10. Izvještaj o radu sa završnim računom JU Centar za socijalni rad Bužim za 2012. godinu i Program rada sa financijskim planom za 2013. godinu

Rok: april-maj.

Predlagač: Općinski načelnik.

Obrađivač: JU Centar za socijalni rad Bužim.

11. Izvještaj o radu Općinskog pravobranilaštva općine Bužim za 2012. godinu

Rok: mart-april.

Predlagač: Općinski načelnik.

Obrađivač: Općinski pravobranilac.

12. Izvještaj o radu komisije za procjenu nepokretnosti za 2012. godinu

Rok: april-maj.

Predlagač: Općinski načelnik.

Obrađivač: Komisija za procjenu nepokretnosti.

13. Informacija o radu mjesnih zajednica sa područja Općine Bužim

Rok: april-maj.

Predlagač: Općinski načelnik.

Obrađivač: Služba za opću upravu i društvene djelatnosti i sve MZ-a.

14. Informacija o stanju boračko-invalidske zaštite na području općine u 2012. godini

Rok: maj-juni.

Predlagač: Općinski načelnik.

Obrađivač: Odjeljenje BIZ-a Bužim, obezbjediti putem nadležnog kantonalnog ministarstva.

15. Informacija o provođenju Odluke o porezima građana u 2012. godini

Rok: maj-juni.

Predlagač: Općinski načelnik.

Obrađivač: Služba za budžet i finansije.

16. Informacija o stanju javne sigurnosti na području općine Bužim u toku 2012. godine

Rok: april-maj.

Predlagač: Općinski načelnik.

Obrađivač: Policijska uprava 4; Policijska stanica Bužim, obezbjediti putem nadležnog ministarstva.

17.Izvještaj o radu OIK-a za 2012. godinu

Rok: novembar-decembar.

Predlagač: Općinska izborna komisija.

Obrađivač: OIK-a.

18.Informacija o stanju poljoprivredne proizvodnje na području općine Bužim u 2012.godini

Rok: mart-april.

Predlagač: Općinski načelnik.

Obrađivač: Služba za razvoj i poduzetništvo.

19.Informacija o održavanju lokalne putne mreže u toku 2012.godine

Rok: juni-juli.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

20.Informacija o prikupljenim sredstvima za sekundarnu vodovodnu mrežu, po Odluci općinskog vijeća

Rok: juni-juli.

Predlagač: Općinski načelnik.

Obrađivač: JKP „KOMB“ d.o.o. Bužim i nadležne službe općinskog organa uprave.

21.Informacija o stanju u oblasti kulture i kulturnog nasljeđa Općine Bužim

Rok: juni-juli

Predlagač: Općinski načelnik

Obrađivač: Služba za opću upravu i društvene djelatnosti.

22.Informacija o stanju zaposlenosti i nezaposlenosti na području Općine Bužim

Rok: juni-juli

Predlagač: Općinski načelnik

Obrađivač: Služba za razvoj i poduzetništvo.

23.Informacija o stanju u oblasti životne sredine na području Općine Bužim

Rok: juni-juli

Predlagač: Općinski načelnik

Obrađivač: Služba za prostorno uređenje, geodetske i imovinsko-pravne poslove.

24.Informacija o stanju zdravstvene zaštite na području općine Bužim u 2012.godini

Rok: avgust - septembar.

Predlagač: Općinski načelnik.

Obrađivač: ZU Dom zdravlja Bužim, obezbjediti putem nadležnog ministarstva.

25.Informacija o radu JU MSŠ „Bužim“ Bužim za školsku 2012/13 godinu

Rok: septembar-oktobar.

Predlagač: Općinski načelnik.

Obrađivač: JU Mješovita srednja škola, obezbjediti putem nadležnog ministarstva.

26.Informacija o radu JU OŠ „Bužim“ Bužim za školsku 2012/13 godinu

Rok: septembar-oktobar.

Predlagač: Općinski načelnik.

Obrađivač: JU OŠ Bužim, obezbjediti putem nadležnog ministarstva.

27.Informacija o radu JU OŠ „Konjodor“ Konjodor za školsku 2012/13 godinu

Rok: septembar-oktobar.

Predlagač: Općinski načelnik.

Obrađivač: JU OŠ Konjodor, obezbjediti putem nadležnog ministarstva.

28.Informacija o radu JU OŠ „Čavnik“ Čava za školsku 2012/13 godinu

Rok: septembar-oktobar.

Predlagač: Općinski načelnik.

Obrađivač: JU OŠ Čava, obezbjediti putem nadležnog ministarstva.

29.Informacija o radu JU dječiji vrtić Bužim

Rok: septembar-oktobar.

Predlagač: Općinski načelnik.

Obrađivač: JU Dječiji vrtić Bužim, obezbjediti putem nadležnog ministarstva.

30.Informacija o realizaciji Programa rada Općinskog vijeća za 2013.godinu

Rok: avgust-septembar.

Predlagač: Predsjedavajući općinskog vijeća.

Obrađivač: Sekretar općinskog vijeća.

31.Informacija o stanju sporta na području općine Bužim u 2012. godini

Rok: mart-april.

Predlagač: Općinski načelnik.

Obrađivač: Sportski savez općine Bužim.

32.Informacija o stanju civilne i protivpožarne zaštite na području općine Bužim u toku 2012.godine

Rok: oktobar-novembar.

Predlagač: Općinski načelnik.

Obrađivač: Služba civilne zaštite.

33.Informacija o stanju poduzetništva i obrtništva na području općine u 2012. godini

Rok: oktobar-novembar.

Predlagač: Općinski načelnik.

Obrađivač: Služba za razvoj i poduzetništvo.

34. Ostali izvještaji i informacije, po potrebi

Rok: Po potrebi.

Predlagač: Općinski načelnik ili radna tijela Vijeća.

Obrađivač: Službe općinskog organa uprave.

III NORMATIVNI DIO**1. Odluka o budžetu općine za 2013. godinu**

Rok: mart.

Predlagač: Općinski načelnik.

Obrađivač: Služba za budžet i financije.

2. Odluka o izvršavanju budžeta općine Bužim za 2013. godinu

Rok: mart.

Predlagač: Općinski načelnik.

Obrađivač: Služba za budžet i finansije.

3. Dokument okvirnog budžeta 2013-2015 godina

Rok: juni.

Predlagač: Općinski načelnik.

Obrađivač: Služba za budžet i finansije.

4. Usklađivanje Stauta općine Bužim sa Zakonom o lokalnoj samoupravi USK-a

Rok: juni-juli.

Predlagač: Komisija za statut i propise.

Obrađivač: Komisija za statut i propise.

5. Odluke o utvrđivanju koeficijenata za službenike i namještenike općinskog organa uprave

Rok: Po potrebi.

Predlagač: Općinski načelnik.

Obrađivač: Služba za opću upravu i društvene djelatnosti.

6. Odluka o utvrđivanju bazne cijene uređenja za m² građevinskog zemljišta na području općine Bužim

Rok: februar- mart.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

7. Program održavanja lokalne putne mreže na području Općine Bužim

Rok: februar- mart.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

8. Odluka o utvrđivanju prosječne građevinske cijene korisne stambene površine u 2013. godini na području općine Bužim

Rok: februar- mart.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

9. Program poticaja u poljoprivredi za 2013. godinu

Rok: februar - mart.

Predlagač: Općinski načelnik.

Obrađivač: Služba za razvoj i poduzetništvo.

10. Odluka o određivanju vrijednosti boda komunalne naknade u 2013. godini

Rok: januar.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

11. Odluka o oslobađanju po Zakonu o dopunskim pravima demobilisanih boraca - izmjene

Rok: april-maj.

Predlagač: Općinski načelnik.

Obrađivač: Služba za opću upravu i društvene djelatnosti.

12. Odluka o prodaji stanova u vlasništvu općine Bužim

Rok: april-maj.

Predlagač: Općinski načelnik.

Obrađivač: Služba za opću upravu i društvene djelatnosti.

13. Odluka o izgradnji Sportske dvorane Bužim

Rok: april-maj.

Predlagač: Općinski načelnik.

Obrađivač: Služba za opću upravu i društvene djelatnosti.

14. Odluka o osnivanju Informativno-kulturnog centra Bužim

Rok: juni-juli.

Predlagač: Općinski načelnik.

Obrađivač: Služba za opću upravu i društvene djelatnosti.

15. Odluka o javnoj rasvjeti

Rok: Po potrebi

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

16. Odluka o usvajanju završnog računa za 2012. godinu i Izvještaja o ostvarenju budžeta općine Bužim za 2012. godinu

Rok: mart-april.

Predlagač: Općinski načelnik.

Obrađivač: Služba za budžet i finansije.

17. Zaključak o davanju saglasnosti na cjenovnike usluga javnih preduzeća kojima je osnivač općina

Rok: decembar.

Predlagač: Općinski načelnik.

Obrađivač: Služba za prostorno uređenje, geodetske i imovinsko - pravne poslove, Služba za razvoj

i poduzetništvo, svaka iz svoje nadležnosti i javna preduzeća.

18.Poslovnik Općinskog vijeća

Rok: maj-juli

Predlagač: Komisija za statut i propise.

Obrađivač: Sekretar općinskog vijeća.

19.Izmjene i dopune Odluke o organizaciji i djelokrugu rada općinskog organa uprave

Rok: Po potrebi.

Predlagač: Općinski načelnik.

Obrađivač: Služba za opću upravu i društvene djelatnosti.

20.Odluka o unutrašnjoj preraspodjeli budžeta općine za 2013.godinu

Rok: Po potrebi.

Predlagač: Općinski načelnik.

Obrađivač: Služba za budžet i finansije.

21.Odluka i izmjenama i dopunama Odluke o porezima građana

Rok: Po potrebi.

Predlagač: Općinski načelnik.

Obrađivač: Služba za budžet i finansije.

22.Odluka o korišćenju poljoprivrednog zemljišta u nepoljoprivredne svrhe (građenje)

Rok: Po potrebi.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

23.Odluka o utvrđivanju kriterija, postupaka i načina obilježavanja ulica, trgova, parkova, mostova, institucija, ustanova, naselja i naseljenih mjesta imenima i zgrada brojevima sa područja općine Bužim

Rok: mart-decembar.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

24.Odluka o regulaciji javnog saobraćaja

Rok: mart-april.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

25.Odluka o izmjenama i dopunama Odluke o komunalnim taksama i tarifi komunalnih taksa

Rok: Po potrebi.

Predlagač: Općinski načelnik.

Obrađivač: Služba za razvoj i poduzetništvo i ostale službe po potrebi.

26.Odluka o izmjenama i dopunama Odluke o općinskim administrativnim taksama

Rok: Po potrebi.

Predlagač: Općinski načelnik.

Obrađivač: Sve službe općinskog organa uprave, iz svoje nadležnosti

27.Odluka o općinskim javnim priznanjima – izmjene i dopune

Rok: Po potrebi.

Predlagač: Općinski načelnik.

Obrađivač: Služba za opću upravu i društvene djelatnosti.

28.Odluka o provođenju izbora u mjesnim zajednicama

Rok: Juni.

Predlagač: Općinski načelnik.

Obrađivač: Služba za opću upravu i društvene djelatnosti.

29.Odluka o komunalnom redu – izmjene i dopune

Rok: mart-april

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

30.Program legalizacije bespravne granje – izmjene i dopune

Rok: Po potrebi.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

31.Odluka o građevinskom zemljištu – izmjene i dopune

Rok: Po potrebi.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

32.Odluka o utvrđivanju općeg interesa

Rok: Po potrebi.

Predlagač: Općinski načelnik.

Obrađivač: Služba za prostorno uređenje, geodetske i imovinsko-pravne poslove.

33.Program rada Općinskog vijeća općine Bužim za 2014. godinu

Rok: novembar-decembar.

Predlagač: Predsjedavajući općinskog vijeća.

Obrađivač: Sekretar općinskog vijeća.

34.Budžet općine Bužim za 2014. godinu

Rok: decembar.

Predlagač: Općinski načelnik.

Obrađivač: Služba za budžet i finansije.

35. Zaključak o davanju saglasnosti na realizaciju projekata iz Programa kapitalnih investicija

Rok: decembar.

Predlagač: Općinski načelnik.

Obrađivač: Službe općinskog organa uprave, svaka iz svoje nadležnosti.

36. Program obilježavanja Dana Općine

Rok: decembar.

Predlagač: Općinski načelnik.

Obrađivač: Organizacioni odbor za obilježavanje Dana Općine.

37. Odluka o izmjeni i dopuni Odluke o naknadama vijećnika

Rok: Po potrebi.

Predlagač: Komisija za budžet, financije i ekonomska pitanja.

Obrađivač: Sekretar Općinskog vijeća.

38. Sve ostale odluke, rješenja i drugi općinski propisi iz nadležnosti Vijeća, a za čije se donošenje ukaže potreba

Rok: Po potrebi.

Predlagač: Općinski načelnik, te ostali ovlašteni predlagači.

Obrađivač: Sve službe iz svoje nadležnosti.

IV IZBOR I IMENOVANJA

U skladu sa ovlaštenjima iz zakona, Statuta, Poslovnika Općinskog vijeća općine Bužim, te drugih propisa, na prijedlog ovlaštenih predlagača, vršiti izbor i imenovanja članova upravnih i nadzornih odbora javnih preduzeća i javnih ustanova kojima je osnivač Općina Bužim, kao i imenovanja predstavnika osnivača u skupštine javnih preduzeća. Po potrebi vršiti imenovanja komisija i drugih radnih tijela Općinskog vijeća, u skladu sa pozitivnim propisima.

V OSTALA PITANJA

Općinsko vijeće će razmatrati i druga pitanja, po inicijativama građana, vijećnika, općinskog načelnika i drugih ovlaštenih predlagača, udruženja, mjesnih zajednica i ostalih pravnih subjekata o pitanjima za koja se ukaže potreba.

Općinsko vijeće će davati saglasnosti na imenovanja i opće akte javnih ustanova i javnih preduzeća kojima je osnivač, a u skladu sa pozitivnim propisima.

Broj: 01-05-501/13
Bužim, 02.03.2013PREDSJEDAVAJUĆI
OPĆINSKOG VIJEĆA

Suvad Šahinović, s.r.

39.

U skladu sa članom 184. stav 1. tačka 2. Zakona o zaštiti i spašavanju ljudi i materijalnih dobara od

prirodnih i drugih nesreća (Službene novine Federacije BiH broj: 39/03, 22/06 i 44/10) a u vezi sa članom 29. stav 1. tačka 1. Pravilnika o načinu rada i funkcioniranja štabova i povjerenika civilne zaštite (Službene novine F BiH broj: 77/06 i 5/07), Odluke o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća (Službene novine Federacije BiH broj: 46/05), i Odluke o usvajanju godišnjeg plana utroška sredstava zaštite i spašavanja broj: 02/5-44-4765-1/12 od 13.12.2012. godine, Općinski štab civilne zaštite općine Bužim na svojoj drugoj redovnoj sjednici održanoj dana, 11.03.2013. godine **donosi:**

O D L U K U**o utrošku sredstava u svrhu nabavke opreme sistema radio veze za potrebe Operativnog centra civilne zaštite.****Član 1.**

Ovom Odlukom odobrava se utrošak sredstava od akumuliranih sredstava od posebnih naknada za zaštitu i spašavanje od prirodnih i drugih nesreća u svrhu nabavke opreme sistema radio veze za potrebe Operativnog centra civilne zaštite u vrijednosti od 11.950,00 KM.

Član 2.

Sredstva za kupovinu opreme iz člana 1. ove Odluke osigurana su na izdvojenom računu u budžetu općine Bužim broj: 1610350017560340, od akumuliranih sredstava od posebnih naknada za zaštitu i spašavanje od prirodnih i drugih nesreća.

Član 3.

Zadužuje se Općinski načelnik općine Bužim da sukladno Zakonu o javnim nabavkama (Službeni glasnik BiH broj: 49/04, 19/05, 52/05, 92/05, 70/06 i 12/09), provede postupak kupovine opreme iz ove Odluke.

Član 4.

Ova Odluka stupa na snagu osmi dan od dana objavljivanja u Službenom glasniku općine Bužim.

Broj: 02-14-1022/13
Bužim, 12.03.2013KOMANDANT ŠTABA
Agan Bunić dipl.pravnik, s.r.**40.**

U skladu sa članom 184. stav 1. tačka 2. Zakona o zaštiti i spašavanju ljudi i materijalnih dobara od prirodnih i drugih nesreća (Službene novine Federacije BiH broj: 39/03, 22/06 i 44/10) a u vezi sa članom 29. stav 1. tačka 1. Pravilnika o načinu rada i funkcioniranja štabova i povjerenika civilne zaštite (Službene novine F BiH broj: 77/06 i 5/07), Odluke o uslovima i načinu korištenja sredstava ostvarenih po

osnovu posebnog poreza za zaštitu od prirodnih i drugih nesreća (Službene novine Federacije BiH broj: 46/05), i Odluke o usvajanju godišnjeg plana utroška sredstava zaštite i spašavanja broj: 02/5-44-4765-1/12 od 13.12.2012. godine, Općinski štab civilne zaštite općine Bužim na svojoj drugoj redovnoj sjednici održanoj dana, 11.03.2013. godine **donosi:**

O D L U K U

o utrošku sredstava za kupovinu motornog vozila sa tovarnim prostorom.

Član 1.

Ovom Odlukom odobrava se utrošak sredstava od akumuliranih sredstava od posebnih naknada za zaštitu i spašavanje od prirodnih i drugih nesreća u svrhu kupovine motornog vozila sa tovarnim prostorom za potrebe općine Bužim u vrijednosti do 43.900,00 KM, a u svrhu opremanja Općinskog štaba civilne zaštite općine Bužim.

Član 2.

Sredstva za kupovinu opreme iz člana 1. ove Odluke osigurana su na izdvojenom računu u budžetu općine Bužim broj: 1610350017560340, od akumuliranih sredstava od posebnih naknada za zaštitu i spašavanje od prirodnih i drugih nesreća.

Član 3.

Zadužuje se Općinski načelnik općine Bužim da sukladno Zakonu o javnim nabavkama (Službeni glasnik BiH broj: 49/04, 19/05, 52/05, 92/05, 70/06 i 12/09), provede postupak kupovine opreme iz ove Odluke.

Član 4.

Ova Odluka stupa na snagu osmi dan od dana objavljivanja u Službenom glasniku općine Bužim.

Broj: 02-14-999/13

Bužim, 12.03.2013

KOMANDANT ŠTABA
Agan Bunić dipl.pravnik, s.r.

41.

Na osnovu člana 42. stav 2. Odluke o građevinskom zemljištu („Službeni glasnik općine Bužim“, broj:01/10) i člana 24. tačka 2. Statuta općine Bužim („Službeni glasnik općine Bužim“, broj:11/07), Općinsko vijeće općine Bužim, na III redovnoj sjednici održanoj dana 02.03.2013 godine, **usvojilo je:**

O D L U K U

o utvrđivanju bazne cijene kao osnovice za obračun naknade za uređenje građevinskog zemljišta za 2013.godinu na području općine Bužim

Član 1.

Ovom odlukom utvrđuje se visina bazne cijene kao

osnovice za obračun naknade za uređenje građevinskog zemljišta i to za zemljišta za koja nije utvrđen stvarni trošak pripremanja i opremanja prema programu uređenja građevinskog zemljišta na području općine Bužim.

Član 2.

Bazna cijena kao osnovica za obračun naknade za uređenje građevinskog zemljišta iz člana 1. ove Odluke utvrđuje se u iznosu od: 55,00 KM.

Član 3.

Ova Odluka stupa na snagu osmog dana od dana objavljivanja u Službenom glasniku općine Bužim.

Broj: 02-23-368/13

Bužim, 02.03.2013

PREDSJEDAVAJUĆI
OPĆINSKOG VIJEĆA
Suvad Šahinović, s.r.

42.

Na osnovu člana 13. stav 2. alineja 4. i člana 37. stav 1. tačka a. Alineja 9. Zakona o principima lokalne samouprave („Službene novine F BiH“, broj:49/06), a u vezi sa članom 39. stav 2. te člana 123. i 126. Zakona o zaštiti od požara i vatrogastvu („Službene novine F BiH“ broj: 64/09), te člana 24. stav 1. tačka 2. i 4. Statuta općine Bužim („Službeni glasnik općine Bužim“ broj:11/07 i 4/08), Općinsko vijeće općine Bužim na prijedlog Općinskog načelnika, na redovnoj III sjednici održanoj dana 02.03.2013. godine, **usvojilo je:**

O D L U K U

o utvrđivanju cjenovnika i načinu naplate usluga Vatrogasne jedinice općine Bužim

Član 1.

Ovom Odlukom utvrđuje se cjenovnik i način naplate usluga Vatrogasne jedinice općine Bužim.

I – NAKNADA ZA ODRŽAVANJE PROTUPOŽARNIH APARATA

Član 2.

Utvrdjuje se cjenovnik usluga za periodični pregled i održavanje vatrogasnih aparata:

1. Periodični pregled vatrogasnih aparata:

R/B	TIP APARATA	JEDINICA MJERE	CIJENA USLUGE
1	Vatrogasni aparat S-1	komad	6,00
2	Vatrogasni aparat S-2	komad	7,00
3	Vatrogasni aparat S-3	komad	8,00

4	Vatrogasni aparat S-6, S-9	komad	10,00
5	Vatrogasni aparat S-12	komad	12,00
6	Vatrogasni aparat S-50	komad	35,00
7	Vatrogasni aparat S-100	komad	45,00
8	Vatrogasni aparat P-1 (stalni tlak)	komad	5,00
9	Vatrogasni aparat P-2 (stalni tlak)	komad	6,00
10	Vatrogasni aparat P-3 (stalni tlak)	komad	7,00
11	Vatrogasni aparat P-6, P-9 (stalni tlak)	komad	9,00
12	Vatrogasni aparat P-12 (stalni tlak)	komad	11,00
13	Vatrogasni aparat P-50 (stalni tlak)	komad	30,00
14	Vatrogasni aparat P-100 (stalni tlak)	komad	40,00
15	Vatrogasni aparat CO2 2-3 kg	komad	8,00
16	Vatrogasni aparat CO2 5 kg, CO2 10 kg	komad	10,00
17	Vatrogasni aparat CO2 30kg	komad	20,00
18	Vatrogasni aparat CO2 2x30 kg	komad	30,00

2. Punjenje vatrogasnih aparata pod stalnim tlakom (ST) dušikom

R/B	TIP APARATA	JEDINICA MJERE	CIJENA USLUGE
1	Vatrogasni aparat S-1, 2, 3, P-1, 2 i 3 ST	komad	7,00
2	Vatrogasni aparat S-6, P-6 ST	komad	10,00
3	Vatrogasni aparat S-9, P-9 ST	komad	12,00
4	Vatrogasni aparat S-12, P-12 ST	komad	14,00
5	Vatrogasni aparat S-50, P-50 ST	komad	45,00
6	Vatrogasni aparat S-100 P-100 ST	komad	80,00

3. Punjenje bočica CO2 i N2

R/B	TIP APARATA	JEDINICA MJERE	CIJENA USLUGE
1	Vatrogasni aparat S-1	komad	6,00
2	Vatrogasni aparat S-2	komad	7,00
3	Vatrogasni aparat S-3	komad	8,00
4	Vatrogasni aparat S-6,	komad	10,00
5	Vatrogasni aparat S-9	komad	10,00
6	Vatrogasni aparat S-12	komad	12,00
7	Vatrogasni aparat S-50	komad	20,00
8	Vatrogasni aparat S-100	komad	25,00

4. Čišćenje i farbanje vatrogasnih aparata

R/B	TIP APARATA	JEDINICA MJERE	CIJENA USLUGE
1	Vatrogasni aparati S-1, 2, 3, P-1,2 i 3 ST	komad	5,00
2	Vatrogasni aparati S-6, 9,12 P-6, 9 i 12 ST	komad	10,00
3	Vatrogasni aparati S-50,100, P-50 100 ST	komad	30,00
4	Vatrogasni aparati CO2-2 kg, CO2 2-5 kg	komad	10,00
5	Vatrogasni aparati CO2 2-10 kg.	komad	12,00
6	Vatrogasni aparati CO2 2-30 kg.	komad	30,00

Član 3.

Prijevoz protivpožarnih aparata korisniku usluga vatrogasne jedinice do 5. km iznosi 10,00 KM a za svaki daljnji kilometar cijena se povećava za 2,5 KM po pređenom kilometru.

Član 4.

Usluga ugradnje upotrebljenih ili istrošenih dijelova vatrogasnih aparata naplaćuje se 20% od nabavne cijene ugrađenih ili zamjenjenih dijelova.

II - OBUKA I PROVJERA ZNANJA UPOSLENIKA PRAVNIH LICA IZ PROTUPOŽARNE ZAŠTITE

Član 5.

Obuka i provjera znanja do 5 (pet) uposlenika pravnih

lica po jednom kandidatu iznosi 15,00 KM, a za svakog slijedećeg kandidata plaća se 10,00 KM.

U cijenu iz stava 1. ovog člana uračunata je izrada zapisnika o obavljenoj obuci i izdavanje uvjerenja o obučenosti za svakog uposlenika.

III – KONTROLA ISPRAVNOSTI HIDRANATA SA MJERENJEM PRITISKA U HIDRANTSKOJ MREŽI.

Član 6.

Kontrola ispravnosti hidranta sa mjerenjem pritiska hidrantske mreže po jednom hidrantu iznosi 15,00 KM.

IV – OSTALE USLUGE

Član 7.

1. Radni sat pumpe autocisterne na lokalitetu do 5. km udaljenosti iznosi 60,00 KM. Za svaki daljnji početni kilometar udaljenosti lokaliteta cijena se uvećava za 2,5 KM.

2. Radni sat jednog vatrogasca iznosi 20,00 KM.

3. Vatrogasno obezbjeđenje po jednom vozilu sa posadom, po jednom punom satu plaća se 45,00 KM. a za svaki sat koji prelazi 30. minuta od jednog punog sata naplaćuje se cijena jednog sata.

Za usluge iz stava 1. 2. i 3. ovog člana računanje vremena počinje teći od startanja vatrogasnog vozila iz sjedišta Vatrogasne jedinice do povratka u službene prostorije Vatrogasne jedinice.

4. Rad prenosne pumpe na ispumpavanju vode uz rukovanje vatrogasca po jednom satu plaća se 40,00 KM. za svaki efektivni radni sat a za svaki započeti radni sat koji prelazi 30. minuta od jednog punog sata naplaćuje se cijena jednog sata.

5. Čišćenje mjesta saobraćajnih nezgoda i mjesta koja na drugi način ugrožavaju sigurnost odvijanja saobraćaja naplaćuje se 100,00 KM po satu rada plus PDV i utrošena hemijska sredstva prema nabavnoj cijeni dobavljača. Radno vrijeme se obračunava od momenta polaska vozila iz garaže, uključujući vrijeme intervencije, te vrijeme povratka na polazno mjesto.

Član 8.

Usluge gašenja požara iz člana 7. tačka 1. i 2. naplaćuju se počinocu kod namjernog izazivanja požara po pravomoćnoj sudskoj presudi o učinjenom djelu.

Član 9.

Usluge vatrogasnog obezbjeđenja iz člana 7. tačka 3. ne naplaćuju se za potrebe obezbjeđenja skupova za dane obilježavanja značajnih datuma proglašeni Odlukom općinskog vijeća općine Bužim.

Član 10.

Usluge iz člana 7. tačka 4. ne plaćaju se za potrebe intervencije u slučaju proglašavanja elementarnih nepogoda na području općine Bužim.

V – NAČIN OBRAČUNA I NAPLATE USLUGA

Član 11.

Za usluge iz poglavlja I i III po izdatom predračunu koji izdaje ovlašteni serviser PP aparata korisnici usluga sredstva uplaćuju na depozitni račun budžeta općine Bužim a za usluge iz poglavlja II predračun izdaje komandir Vatrogasne jedinice.

Za izvršene usluge iz poglavlja IV račun izdaje Služba za budžet i financije na osnovu radnog naloga koji sačinjava i dostavlja komandir Vatrogasne jedinice.

Prilikom preuzimanja aparata za servisiranje ovlašteni serviser je dužan donosiocu istog izdati odgovarajuću potvrdu o prijemu i evidentirati osnovne podatke o vlasniku i vrsti aparata.

Prilikom izdavanja servisiranog aparata odnosno izvršene usluge serviser odnosno komandir od korisnika preuzima dokaz o uplati usluge po izdatom predračunu i korisniku izdaje otpremnicu i račun za izvršene usluge.

Izgled, sadržaj serijski broj, broj primjeraka i način popunjavanja računa otpremnica i ostale dokumentacije i primjerci kome se dostavljaju a vazane za usluge iz ove Odluke utvrđuje Općinski načelnik uz učešće Službe za budžet i financije i Službe civilne zaštite.

Član 12.

Sredstva prikupljena po osnovu odredbi ove Odluke su namjenska i mogu se koristiti samo za nabavku vatrogasne opreme, tehničkih sredstava i drugih sredstava za vatrogasne jedinice, stručno obučavanje i osposobljavanje vatrogasaca i održavanje opreme i vatrogasnih sredstava i opremanje objekata za potrebe vatrogasnih jedinica.

Član 13.

Neurošena sredstva u toku fiskalne godine prikupljena po osnovu ove Odluke nakon isteka kalendarske godine se ne gase nego se prenose u slijedeću budžetsku godinu.

VI – ZAVRŠNE ODREDBE

Član 14.

Ova Odluka stupa na snagu osmog dana od dana objavljivanja u Službenom glasniku općine Bužim i važi do 31.12.2013 godine.

Član 15.

Stupanjem na snagu ove Odluke prestaje da važi Odluka o utvrđivanju cijenovnika i načina naplate usluga Vatrogasne jedinice općine Bužim broj: 01/1-44-1189-2/11 od 14.05.2011.god. („Sl.Glasnik općine Bužim broj: 6/11).

Broj: 01-44-695/13
Bužim, 02.13.2013

PREDSJEDAVALAČI
OPĆINSKOG VIJEĆA
Suvad Šahinović, s.r.

43.

Na osnovu člana 52. Zakona o državnim službenicima i namještenicima u organima državne službe Unsko-sanskog kantona („Službeni glasnik USK-a“, broj:5/12), člana 24. stav 1. tačka 33. Statuta općine Bužim („Službeni glasnik općine Bužim“, broj:11/07, 4/08 i 5/11), Općinsko vijeće općine Bužim na III redovnoj sjednici, održanoj dana 02.03.2013.godine, **usvojilo je:**

ODLUKU**o izmijeni i dopuni Odluke o utvrđivanju koeficijenata za plaće uposlenika Stručne službe Općinskog vijeća općine Bužim****Član 1.**

Ovom Odlukom se vrši izmjena i dopuna Odluke o utvrđivanju koeficijenata za plaće uposlenika Stručne službe Općinskog vijeća općine Bužim, broj:01-05-4660/08, od 27.12.2008. godine (u daljem tekstu: Odluka).

Član 2.

U Odluci se mijenja član 2. i isti glasi: „Koeficijent za obračun plaće sekretara Općinskog vijeća iznosi 3,50“.

Član 3.

Ova Odluka stupa na snagu danom donošenja i ista će se objaviti u Službenom glasniku općine Bužim.

Broj: 01-14-785/13
Bužim, 02.03.2013

PREDSJEDAVALAČI
OPĆINSKOG VIJEĆA
Suvad Šahinović, s.r.

44.

Na osnovu člana 24. stav 3. Zakona o državnim službenicima i namještenicima u organima državne službe Unsko-sanskog kantona („Službeni glasnik USK-a“, broj:5/12), člana 24. Statuta općine Bužim („Službeni glasnik općine Bužim“, broj:11/07, 4/08 i 5/11), Općinsko vijeće općine Bužim, na III redovnoj sjednici, održanoj, dana 02.03.2013.godine, **usvojilo je:**

ODLUKU**o utvrđivanju pravila i procedura za provođenje javnog konkursa za izbor sekretara Općinskog vijeća općine Bužim****Član 1.**

Ovom odlukom se utvrđuju pravila i procedure za provođenje javnog konkursa za izbor sekretara Općinskog vijeća općine Bužim.

Član 2.

Javni konkurs će se objaviti u jednom sedmičnom ili dnevnom listu.

Član 3.

Javni konkurs sadrži opće i posebne uslove, opis poslova radnog mjesta, utvrđeno u Pravilniku o unutrašnjoj organizaciji i sistematizaciji stručne službe Općinskog vijeća, te spisak dokumenata koji se prilažu uz prijavu na javni konkurs.

Član 4.

Za provođenje javnog konkursa imenuje se Komisija za izbor sekretara Općinskog vijeća općine Bužim (u daljem tekstu: Komisija), u sastavu:

- 1.) Nedžad Kudelić, predsjednik Komisije,
- 2.) Jasmin Salkić, član,
- 3.) Husein Duranović, član,
- 4.) Jasminka Šahinović, član,
- 5.) Sejfo Hilić, član.

Član 5.

Komisija iz člana 4. će izvršiti objavu javnog konkursa, te nakon isteka roka za dostavljanje prijave, sačiniti listu pristiglih prijave na Javni konkurs, provesti intervju sa kandidatima koji ispunjavaju uvjete iz javnog konkursa te predložiti Općinskom vijeću listu uspješnih kandidata.

Član 6.

Općinsko vijeće će nakon dostavljanja liste uspješnih kandidata izvršiti izbor i imenovanje sekretara Općinskog vijeća.

Član 7.

Za sekretara Općinskog vijeća bit će imenovan onaj kandidat sa liste uspješnih kandidata koji dobije najviše glasova Općinskog vijeća.

Član 8.

Ova Odluka stupa na snagu danom donošenja i ista će se objaviti u Službenom glasniku općine Bužim. Stupanjem na snagu ove Odluke, stavlja se van snage Odluka o utvrđivanju pravila i procedura za provođenje javnog konkursa za izbor sekretara Općinskog vijeća općine Bužim, broj:01/1-05-307/13, od 31.01.2013. godine, Odluka o preispitivanju Rješenja o imenovanju sekretara Općinskog vijeća općine Bužim, broj:01/1-05-306/13, od 31.01.2013. godine i rješenje o imenovanju sekretara Općinskog vijeća općine Bužim, broj:01/1-34-1/13, od 29.12.2012.godine.

Broj: 01/1-34-786/13
Bužim, 02.03.2013

PREDSJEDAVALAČI
OPĆINSKOG VIJEĆA
Suvad Šahinović, s.r.

45.

Na osnovu člana 24. i člana 113. Statuta općine Bužim („Službeni glasnik općine Bužim“, broj: 11/07, 4/08 i 5/11), člana 78. i 86. Poslovnika Općinskog vijeća općine Bužim („Službeni glasnik općine Bužim“, broj: 7/08 i 1/11), Općinsko vijeće općine Bužim, na

redovnoj III. sjednici, održanoj dana 02. 03. 2013. godine, **usvojilo je:**

ZAKLJUČAK

I

Nalaže se Općinskom načelniku i Službi za opću upravu i društvene djelatnosti, u čijoj je nadležnosti arhiva općine Bužim, da postupi po zahtjevu Urbanističko-građevinskog inspektora, broj:01/1-23-155/13, od 01.02.2013. godine, da odmah dostavi spis predmeta, broj:02/1-23-22018/10, i to zahtjev za izdavanje odobrenja o upotrebi objekata koji je podnešen 08.10.2010. godine od strane d.o.o. „Kovgrad“ Bužim, kao i spis predmeta odobrenja za građenje i urbanistička saglasnost za isti objekat i od istog investitora, a sve u svrhu da se omogući rad Urbanističko-građevinskog inspektora, sukladno članu 153. (pravo i dužnosti inspektora) Zakona o prostornom uređenju i građenju („Službeni glasnik USK-a“, broj:10/11).

II

Zaključak stupa na snagu danom donošenja, i isti objavit u Službenom glasniku općine Bužim.

Broj: 01/1-23-155/13
Bužim, 02.03.2013

PREDSJEDAVAJUĆI
OPĆINSKOG VIJEĆA
Suvad Šahinović, s.r.

46.

Na osnovu člana 24. i člana 113. Statuta općine Bužim („Službeni glasnik općine Bužim“, broj: 11/07, 4/08 i 5/11), člana 78. i 86. Poslovnika Općinskog vijeća općine Bužim („Službeni glasnik općine Bužim“, broj: 7/08 i 1/11), Općinsko vijeće općine Bužim, na redovnoj III. sjednici, održanoj dana 02. 03. 2013. godine, **usvojilo je:**

ZAKLJUČAK

o usvajanju Informacije o stanju poljoprivrede na području općine Bužim u 2012.godini

I

Usvaja se Informacije o stanju poljoprivrede na području općine Bužim u 2012.godini, kao u dostavljenim materijalima.

II

Zaključak objavit u Službenom glasniku općine Bužim.

Broj: 01/1-24-682-1/13
Bužim, 02.03.2013

PREDSJEDAVAJUĆI
OPĆINSKOG VIJEĆA
Suvad Šahinović, s.r.

47.

Na osnovu člana 24. i člana 113. Statuta općine Bužim („Službeni glasnik općine Bužim“, broj: 11/07, 4/08 i 5/11), člana 78. i 86. i 108. Poslovnika Općinskog vijeća općine Bužim („Službeni glasnik općine Bužim“, broj: 7/08 i 1/11), Općinsko vijeće općine Bužim, na redovnoj III. sjednici, održanoj dana 02. 03. 2013. godine, **usvojilo je:**

ZAKLJUČAK

I

Vraća se na doradu prijedlog Odluke o pristupanju izradi izmjene i dopune Regulacionog plana „Centar“ Bužim.

II

Traži se od Općinskog načelnika da uvaži Uredbu o jedinstvenoj metodologiju za izradu planskih dokumenata, uvažavajući zahtjeve i potrebe obuhvata izmjena Regulacionog plana „Centar“ Bužim.

III

Traži se od Općinskog načelnika da nakon što ugradi primjedbe iz tačke II. ovog Zaključka dostavi Općinskom vijeću prijedlog Odluke na razmatranje i usvajanje.

IV

Zaključak objavit u Službenom glasniku općine Bužim.

Broj: 01/1-23-497-1/13
Bužim, 02.03.2013

PREDSJEDAVAJUĆI
OPĆINSKOG VIJEĆA
Suvad Šahinović, s.r.

48.

Na osnovu odredbe člana 38. stav 1. tačka 6. i odredbe člana 114. Statuta općine Bužim ("Službeni glasnik općine Bužim", broj: 11/07 i 4/08), te odredbe člana 17. Odluke o izvršavanju Budžeta općine Bužim za 2012. godinu ("Službeni glasnik općine Bužim", broj: 1/12), Općinski načelnik općine Bužim, **je donio:**

ZAKLJUČAK

o isplati novčanih sredstava iz Budžeta općine Bužim

I

Odobrava se isplata novčanih sredstava iz Budžeta općine Bužim Sportskom savezu općine Bužim sa pozicije grantovi za sport, ekonomski kod 614122, namijenjene za rad i finansiranje projekata Sportskog saveza u iznosu od 3.750,00 KM.

Novčana sredstva iz prethodnog stava će se isplatiti iz Budžeta općine Bužim, na račun broj:

1984011050000151 otvoren kod KIB Banke Filijala Bužim.

II

O sprovođenju ovog Zaključka starat će se Služba budžeta i finansija.

III

Zaključak stupa na snagu danom donošenja i isti objavit u Službenom glasniku općine Bužim.

Broj: 02/2-14-4753-1/12

Bužim, 14.01.2013

OPĆINSKI NAČELNIK
Agan Bunić dipl.pravnik, s.r.

49.

Na osnovu odredbe člana 38. stav 1. tačka 6. i odredbe člana 114. Statuta općine Bužim ("Službeni glasnik općine Bužim", broj: 11/07 i 4/08), i Odluke o privremenom financiranju općine Bužim za period janur-mart 2013. godinu, broj: 01/1-14-4944/12 od 29.12.2012.godine Općinski načelnik općine Bužim, **je donio:**

ZAKLJUČAK

o isplati novčanih sredstava iz Budžeta općine Bužim

I

Odobrava se isplata I rate/ anuiteta iz Budžeta općine Bužim za 2013.god., Razvojnoj banci F BiH sa pozicije otplate dugova, ekonomski kod 823000 namijenjene za povrat kredita iz kojeg je financirana izgradanja sekundarne vodovodne mreže Bužim u iznosu od 11.900,37 USD (američkih dolara) ili 17.435,84 KM (preračunato u KM po srednjem kursu Centralne banke BiH-kursna lista broj 017, objavljena na web stranici Centralne banke BiH dana 25.01.2013. godine i ista čini satavni dio zaključka kao i službena zabilješka službe 02/2 br:int.01-SVM/13 od 25.01.2013.god.).

Novčana sredstva iz prethodnog stava će se isplatiti iz Budžeta općine Bužim, na račun Razvojne banke F BiH, Sarajevo, na broj: 1950010000001392.

II

O sprovođenju ovog Zaključka starat će se Služba budžeta i finansija.

III

Zaključak stupa na snagu danom donošenja i isti objavit u Službenom glasniku općine Bužim.

Broj: 02-14-316-1/13

Bužim, 25.01.2013

OPĆINSKI NAČELNIK
Agan Bunić dipl.pravnik, s.r.

50.

Na osnovu odredbe člana 38. stav 1. tačka 6. i odredbe člana 114. Statuta općine Bužim ("Službeni glasnik općine Bužim", broj: 11/07 i 4/08), i Odluke o privremenom financiranju općine Bužim za period janur-mart 2013. godinu, broj: 01/1-14-4944/12 od 29.12.2012.godine Općinski načelnik općine Bužim,

je donio:

ZAKLJUČAK

o isplati novčanih sredstava iz Budžeta općine Bužim

I

Odobrava se isplata novčanih sredstava iz Budžeta općine Bužim Udruženju Taekwon-do klub Fadil Bajrektarević-Gazije Vrhovska-Bužim, namijenjene za odlazak 5 takmičara na Europski kup, koji će se održati u Sofiji (Bugarska), u iznosu od 1.000,00 KM. Novčana sredstva iz prethodnog stava će se isplatiti iz Budžeta općine Bužim, na račun broj: 5688641340000265 otvoren kod UNA BIB banka Bužim.

II

O sprovođenju ovog Zaključka starat će se Služba budžeta i finansija.

III

Zaključak stupa na snagu danom donošenja i isti objavit u Službenom glasniku općine Bužim.

Broj: 02-14-644-1/13

Bužim, 18.02.2013

OPĆINSKI NAČELNIK
Agan Bunić dipl.pravnik, s.r.

51.

Na osnovu člana 3. Odluke o utvrđivanju koeficijenta za plaću Općinskog načelnika i koeficijenta za plaću savjetnika općinskog načelnika („Službeni glasnik općine Bužim“, broj: 11/08), člana 5. Odluke o utvrđivanju platnih razreda i koeficijenata za plaće rukovodećih i ostalih državnih službenika u Jedinostvenom Općinskom organu uprave općine Bužim („Službeni glasnik općine Bužim“, broj: 11/08), člana 5. Odluke o utvrđivanju platnih razreda i koeficijenata za plaće namještenika u Jedinostvenom Općinskom organu uprave općine Bužim („Službeni glasnik općine Bužim“, broj: 11/08), člana 3. Odluke o utvrđivanju koeficijenta za obračun plaće Općinskog pravobranioca („Službeni glasnik općine Bužim“, broj: 11/08), člana 3. Odluke o utvrđivanju koeficijenata za plaće uposlenih u JU Centar za socijalni rad Bužim („Službeni glasnik općine Bužim“, broj: 11/08), i člana 38. Statuta općine Bužim

(„Službeni glasnik općine Bužim“, broj: 11/07,4/08),
Općinski načelnik **donosi:**

Z A K L J U Č A K

o visini iznosa jedinstvene osnovice za obračun plaće

Član 1.

Ovim Zaključkom utvrđuje se visina iznosa jedinstvene osnovice za obračun plaće za Općinskog načelnika, savjetnika Općinskog načelnika, rukovodećih i ostalih državnih službenika, namještenika, Općinskog pravobranioca i uposlenih u JU Centra za socijalni rad Bužim.

Član 2.

Na osnovu tačke 2. Saopćenja o prosječnoj isplaćenoj mjesečnoj neto plaći zaposlenih u F BiH za decembar 2012.godine („Službene novine F BiH“, broj: 15/13), utvrđena je prosječna isplaćena neto plaća za period: oktobar, novembar i decembar 2012.godine u iznosu od 837,50 KM.

Utvrđuje se osnovica za obračun plaće od 60% od zadnjeg objavljenog podataka za IV kvartal 2012. godine (oktobar, novembar i decembar 2012. godine = 837,50) koja iznosi 503,00 ($837,50 \times 60\% = 502,50$ KM).

Član 3.

Osnovica iz stava 2. člana 2. Ovog Zaključka se koristi za obračun plaće, odnosno do narednog objavljivanja podatka o prosječnoj isplaćenoj neto plaći u F BiH, za prvi kvrtal 2013. godine.

Član 4.

O balgovremenom usklađivanju osnovice za obračun plaće sa zadnjim objavljenim podatkom o prosječnoj isplaćenoj neto plaći u F BiH, start će se Općinski načelnik putem Službe za budžet i financije.

Ovaj Zaključak stupa na snagu dnom donošenja i isti će se objaviti u Službenom glasniku Općine Bužim.

Broj: 02-14-841/13

Bužim, 26.02.2013

OPĆINSKI NAČELNIK
Agan Bunić dipl.pravnik, s.r.

52.

Na osnovu člana 13. Zakona o cestama F BiH („Službene novine F BiH“, br. 13/10), člana 5. Odluke o korištenju, održavanju, zaštiti, rekonstrukciji, izgradnji i nadzoru nad nekategorisanim cestama općine Bužim („Službeni glasnik općine Bužim“, br. 3/06), u predmetu izdavanja urbanističke saglasnosti za izgradnju pumpne stanice Pivnice i vodovoda Konjodor (potisni vodovod, rezervoari Čardačište,

Merdanovića glavica i Kaukovića Glavica i Brigovi), kod Ministarstva za građenje, prostorno uređenje i zaštitu okoline USK-a, Općinski načelnik općine Bužim, **izdaje:**

SAGLASNOST

1. Za izdavanje urbanističke saglasnosti za izgradnju crpne stanice Pivnice i vodovoda Konjodor (potisni vodovod, rezervoari Čardačište, Merdanovića glavica i Kaukovića Glavica i Brigovi), prema Idejnom projektu crpne stanice Pivnice i vodovoda Konjodor urađenom od strane d.o.o. Foto-Geo iz Velike Kladuše br. P_06-03/12 od marta 2012. godine i situacije terena kao sastavnog djela navedenog Idejnog rješenja, prema kojoj situaciji izgradnja predmetnog objekta obuhvata katasterske čestice i djelove katasterski čestica namjene i kulture označene kao cestovno zemljište lokalne i nekategorisane putne mreže općine Bužim.

2. Ova saglasnost vrijedi samo za postupak izdavanja urbanističke saglasnosti predmetnog objekta, te će se po pribavljenoj urbanističkoj saglasnosti, a radi pribavljanja obobrenja za građenje predmetnog objekta, pravo na korištenje navedeni nakretnina radi građenja, korištenja i održavanja predmetnog objekta regulisati u posebnom postupku.

3. Saglasnost objaviti u Službenom glasniku općine Bužim.

Broj: 02-23-112/12

Bužim, 26.02.2013

OPĆINSKI NAČELNIK
Agan Bunić dipl.pravnik, s.r.

S a d r Ź a j

38. Program rada Općinskog vijeća općine Bužim za 2013. godinu	1	45. Zaključak, broj: 01/1-23-155/13	11
39. Odluka o utrošku sredstava u svrhu nabavke opreme sistema radio veze za potrebe Operativnog centra civilne zaštite	6	46. Zaključak o usvajanju Informacije o stanju poljoprivrede na području općine Bužim u 2012.godini	11
40. Odluka o utrošku sredstava za kupovinu motornog vozila sa tovarnim prostorom	7	47. Zaključak, broj 01/1-23-497-1/13	11
41. Odluka o utvrđivanju bazne cijene kao osnovice za obračun naknade za uređenje građevinskog zemljišta za 2013.godinu na području općine Bužim	7	48. Zaključak o isplati novčanih sredstava iz Budžeta općine Bužim Sportskom savezu općine Bužim	11
42. Odluka o utvrđivanju cjenovnika i načinu naplate usluga Vatrogasne jedinice općine Bužim	7	49. Zaključak o isplati novčanih sredstava iz Budžeta općine Bužim, broj:02-14-316-1/13	12
43. Odluka o izmijeni i dopuni Odluke o utvrđivanju koeficijenata za plaće uposlenika stručne službe Općinskog vijeća općine Bužim	10	50. Zaključak o isplati novčanih sredstava iz Budžeta općine Bužim Udruženju Taekwon-do klub Fadil Bajrektarević-Gazije Vrhovska-Bužim	12
44. Odluka o utvrđivanju pravila i procedura za provođenje javnog konkursa za izbor sekretara Općinskog vijeća općine Bužim	10	51. Zaključak o visini iznosa jedinstvene osnovice za obračun plaće	13
		52. Saglasnost, broj: 02-23-112/13	13

O B A V J E Š T E N J E

Za svaki broj posebno se plaća cijena. Cijena za „Službeni glasnik Općine Bužim“ iznosi 10,00 KM po jednom primjerku, a uplata se može izvršiti na račun broj: 161 035 0017560631 u korist Depozitnog računa za prikupljanje javnih prihoda Općine Bužim, vrsta prihoda 722631, identifikacijski broj 4263287480003

Izdavač: Općina Bužim

Štampa: Služba za opću upravu i društvene djelatnosti